



15. januar 2019

Inatsisartut suleriaasiat § 37 imm. 1 naapertorlugu Naalakkersuisunut apeqqutit imaattut matumuuna saqqummiuppakka:

**Naalakkersuisunut apeqqut:**

- 1. Siulersuisut qanoq akissarsiaqartinneqarpat?**  
Naalakkersuisut ingerlatsiviit Namminersorlutik Oqartussat aqqaniittut, akissarsiaqartitanik siulersuisullit, ingerlatsivikkaarlugit siulersuisui ataatsimut akissarsiaasa saqqummiunnissaannut peqquneqarput.
- 2. Namminersorlutik Oqartussat aqqani siulersuisut akissarsiaqartinneqartut tamarmiusut ataatsimoorlugit akissarsiaat katikkaanni, tamanna qanoq annertutigaa?**
- 3. Naalakkersuisut qinigaaffik maanna ingerlasumi ingerlatsivinni siulersuisuutitaminnut, soorlu Sikuki Nuuk Harbour A/S-imut allanullu, akissarsiarititatik qaffannikuuaat, imaluuniit qaffannissaannut pilersaaruteqarpat? Naalakkersuisut atorfii ingerlatsiviillu pineqartut ataasiakkaarlugit saqqummiunnissaannut peqquneqarput.**
- 4. Inatsisartut Kukkunersiuinermut Ataatsimiititaliata Naalakkersuisut peqqunikuuaat siunissami sipaarniartussaanerup siuarsarneqarnissaa siunertalarugu aammalu piaaraluni piaarinaniluunniit atornerlusoqaratarsinnaanera annikinnerpaaffissaaniitinniaqquillugu. Tamanna peqqersimaarneq Namminersorlutik Oqartussat ingerlatsivigisaanni atuutsinneqarpa?**
- 5. Naalakkersuisut Inatsisartunut qinigaaffigik maanna ingerlasumi Namminersorlutik Oqartussani aningaasarsiorniartutut ingerlatsivigisatik, allatigut inuiaqatigiinnut pisussaaffeqartumik sullissisinnaanerunissamut ingerlatsivittut tulluarsarneqarnissaannut eqqaarsaatersorpat?**
- 6. Ilaatigut Naalakkersuisut siulittaasoqarfianiit siulersuisuni akissarsiat qaffanneranut ulapinnerulersimaneq patsisaasutit ilagisimavaat. Taava Naalakkersuisut aqqani siulersuisuutit akissarsiaqartitaasut ulapputaat annikillugaangata annertusigaangatalu akissarsiaat nikittassappat, taavalu tamanna qanoq uuttuuteqartinneqarpa?**
- 7. Namminersorlutik Oqartussani siulersuisusuutit akissarsiaat, Naalakkersuisut Siulittaasoqarfiani alaffissortuisa aalajangertarpaat, imaluunniit tamassumunnga tunngasut Naalakkersuisut Siulittaasuata akisussaaffigalugit akuereqqaartarpai?**

(Inatsisartunut ilaasortaq, Pele Broberg, Partii Naleraq)

**Tunngavilersuut:**

Siulersuisunut akissarsiarititaasut aqunneqarpasinnginnerat malugineqarsimaqaat, tamannalu Sikuki Nuuk Harbour A/S-imut soorlu aamma ingerlasimasoq. Taamaammatt uagut inuiaqatigiillu

**Inatsisartunut ilaasortaq Pele Broberg**

Imaneq 1, Postboks 4120, 3900 Nuuk, E-mail.: [peleb@inatsisartut.gl](mailto:peleb@inatsisartut.gl) Nittartagaq.: [www.partiinaleraq.gl](http://www.partiinaleraq.gl)  
Oqarasuaatit.: +299 34 50 00 Toqqaannartoq.: +299 34 62 69 Angallattagaq.: +299 483536



partii naleraq

akileraarutikkut siulersuisunut akilersuinerit sumut qanorlu atorneqartarneri ersarinnerusumik saqqummiunneqarnissaat pissusissamisuuлерpoq.

Apeqqutit ullut suliffiusut qulit (10) iluanni akineqarnissaat kissaatigineqarpoq.

**Inatsisartunut ilaasortaq Pele Broberg**

Imaneq 1, Postboks 4120, 3900 Nuuk, E-mail.: [peleb@inatsisartut.gl](mailto:peleb@inatsisartut.gl) Nittartagaq.: [www.partiinaleraq.gl](http://www.partiinaleraq.gl)  
Oqarasuaatit.: +299 34 50 00 Toqqaannartoq.: +299 34 62 69 Angallattagaq.: +299 483536